



CONFIR-

MATIO EORVM, QVÆ
dicta sunt à Doctore Ferdinādo de So-
la Medico Hispalensi in suo de
morbo anginoso iuditio.

CVM Diebus elapsis præcibus amicorum cōmotus, quod
fenseram de morbo atroci, & suffocāte nostro hoc tēpore
seuiente (vulgo Garrotillo) vulgari sermone conscripse-
rim, dixi breuissimè sine auctoritatibus, nec probationi-
bus solum, quod ex tali morbo experientia obseruatum habebam;
& quia tūc tria proposui necessaria in hoc morbo, mihi modo in-
terest ea probare. Primum, quod constitutio hæc est pernitiōsa,
& debet denominari pestis puerorum, & quod ista pernities sit non
solum ex eo, quod morbus ex se sit magnus, sed quia malignam qua-
litatem habet adiunctam. Secundum est probare in hac constitutio-
ne (licet apareant anginae, & aphtæ) similiter adesse carbunculos in
gutare, & quod ij sint, qui citissime suffocant, & quibus denomi-
natio principalis morbi (vulgo Garrotillo) debet attribui. Tertiū
vero quod in hoc affectu debeamus vti purgatione in principio
revulsionis causa, & causticis medicamentis in curatione vlceris
carbunculosi. Quæ omnia probabo auctoritatibus, & rationibus, &
non alia commotus quam dicendi veritatem.

*Auctoris
intentum.*

Et ad primum accedendo, scilicet ad probandum, quod cōstitu-
tio hæc sit pestilens, est necesse, valde tritam, sed necessariam diui-
sionem morborum afferre, quā Galenus proponit in proœmio Epi-
demiorū, dicens morbos alios esse cōmunes, alios, diuersos, & rur-
sus communes, aut in vna tantum regione, & dicuntur Endemici,
aut in multis regionibus, & dicuntur Epidemici, diuersos vero, seu
sporadicos esse, quando plures diuersæ speciei morbi accidunt, vt
pleuritis, tertiana, &c. Rursus quando morbus est communis in plu-
ribus regionib⁹, & simul cum hoc plurimos interimit, dicitur Epi-
demia pernitiōsa, & per consequens pestis. Id confirmat ipse Gale-
us. 1. de ratione victus. c. 9. *Dicens pestem esse morbum communem pluri-
mos interimentem: id etiam docet. 3. epidemiae sec. 3. tex. 19. Dicens
pestem non esse aliquem morbum determinatum, nisi constitutionem commu-*

*Quod cōsti-
tutio sit pes-
tilens, quæ
vocatur Ga-
rrotillo pro-
batur.*

*nem plurimos interimentem, siue sint tertiana, siue pleuritides, &c. Hanc ve-
ram diffinitionem pestis scilicet, quod sit epidemia pernitiōsa, quæ
plurimos interimit, & corripit, ab omnibus, tam antiquis, quam
neotericis, recipitur nemine discrepante. Et licet non sit ex natura
pestis, & quid constituens suam essentiam, quod maiorem partem
corruptorum perdat, vt aliqui voluerunt, tamen de essentia ipsius
est, quia est communis, vt ea multi corripiantur, & quod ex illis
multi pereant, quia est differentia specifica, cuius ratione differt à
morbis alijs communibus non pernitiōsis, & sic non sufficit aptitu-
do ad id efficiendum, vt aliqui satis præstantissimi volunt, quia ap-
titudinē ad interficiendum habet quicumq; morbo magnus, & acut⁹,
& non dicitur pestis, quia pestis essentia consistit in communitate,
& pernitiē; cōmunitas cognoscitur ex eo quod plures eodem modo
corripiantur. Pernities verō sumitur ex eo, quod plures pereant, &
si aliquid horum deficiat non est completa essentia pestis, sed erit
morbus malignus, aut acutus, & sic ad hoc, vt morbus aliquis dica-
tur pestilens, erit sufficiens, quod habeat accidentia pernitiōsa; sed
ad hoc, vt dicatur pestis, est necessarium, vt sit quid commune mul-
tis, & per consequens pernitiōsus, sed communitas ista necessario
debet morbis prouenire ex causa communi, quæ fere semper est
aer, siue quia in se habet talem malignitatem, aut ex combinatione
varia qualitatum astrorum, aut ex contagione, quia pestis necessa-
rio est contagiosa, adeo ut nullus iam audeat id cōtradicare, ne for-
te ei accadat, quod illi, qui negans periculum peribit in eo, cum ex
perientia constet fomitem ab vno in aliū transeuntem, eūdem mor-
bū causare, in quo essentia contagij consistit, & cū pestis præter hæc
habeat, id quod plurimos interficiat, necessario debet habere ma-
lignitatem, vt Galenus aduertit. 2. aphorismorum 13. dum ait; *Novi-
mus multas terminationes esse in melius, nisi sit pestilens constitutio, vbi ter-
minationes sunt in peius propter malignitatem*: quia morbus malignus
dicitur à Galeno. 1. epidemion, sect. 3. com. 1. *Cum omnibus diligenter
administratis nihilo mitior sit. Sed sic est, quod nō solū non sit mitior,
sed etiā interficit: ergo quia malignus, quia etiā si morbi sint magni
ex sua natura, aut ratione partis, si optimē administrētur remedia,
multi euadunt, quod non accidit in affectibus malitiosis, & ex ista
causa à Galeno cognoscitur malignitas, quādo in constitutione an-
ginosa in 6. epidemion, comment. 7. ait; *Tunc constitutio ista anginosa
pestilens est facta cum multi mori ceperant, etiā si omnia remedia eis fuerint
administrata secundū rationem, & in tempore. Et quando. 3. epidemion,
com. 3. ait; Cum Hipocrates dicis plures moriebantur, pestilentes esse morbos,
qui vulgabantur, demonstrat. Sed etiam præter effectum cognoscitur
malignitas ex symptomatib⁹, quādo non correspondent morbo, vt*
doctissi-**

doctissimus Argenterius docet, scilicet si febris est parua, & symphomata ingentissima, id ab alia causa, scilicet à qualitate maligna habere dependentiam.

His sic constitutis tanquã certis videamus, an hæc omnia adaptari possimus nostro morbo anginoso. In primis, est communis, quia nõ solum in vna regione, sed in pluribus inuenitur, vt omnibus est compertum. Est contagiosus, quia eiusdẽ speciei morbus communicatur omnibus, præcipuè pueris, & ex his plures interficit, ne dicam maiorem partem, vt satis hodie lugent multæ domus, & lugebunt multo tẽpore earum magnates, quia puerorum omnium reliquæ sunt deserte, sed bone Deus! id cum malignitate, aut sine illa, dicant medici hunc morbum curantes symphomata, quæ in illis inueniuntur. In primis optime applicitis remedijs non reducuntur: ergo secundum Galenum malignus morbus est, quod optime applicitis revulsionibus, & euacuationibus nõ reducuntur, iudices constituo; omnes medicos hunc curantes morbum, quibus experientia quotidie id ostendit.

Præterea symphomata non correspondent morbo, quia habere febrem magnam, vomitus eruginosos, anxietudines, extremorum frigiditates, quid adules in guture? & aliquando ita paruum, vt nõ appareat, & in prima die suæ inuasionis, præcipue quando affectus est carbunculosus, vt infra probabo, igitur constitutio ista pestilens est, & talis debet denominari ex doctrina Galeni.

Et probatur id ratione, primo à diffinitione ad diffinitum bene valeat consequentia, diffinitio pestis est epidemia pernitiõsa plurimos interficiens, hæc nostra constitutio sic se habet, ergo est pestis, probatur minor, plurimos corripit, & plurimos interficit, vt constat experientia, ergo est pestis.

Probatur secundo per vos constitutio ista est cõmunis, & est cõtagiofa, & plurimos interficiebat antea, ergo pestis erat antea.

Si dicas modo, multi euadunt, nihil contra nos, quia in quacumq; constitutione, quando declinat multi euadunt, & non inde sequitur, quod non sit pestilens, & quod non optime curabatur, vt experientia est compertum in omnibus constitutionibus pestilentibus.

Si iterum intes, quod ad hoc, vt sit pestis, est necessariũ, quod sit morbus malignus iste, quia magnus ex sua natura, & ratione partis interficit non vero malignitate.

Contra, & sit tertium argumentum, omnis morbus communis cõtagiosus, & plurimos interficiens est pestis ex Galeno, siue id efficiat sua magnitudine, siue malignitate, quia pestis diffinitio nihil aliud dicit, quam epidemiam pernitiõsam plurimos interimentẽ, ergo responsio nulla.

Præterea est impossibile, quod morbo plurimos interficiat, & sit communis, & contagiosus sine malignitate, quia etiam si morbi sint magni, aut vehemens expectabat Galenus optimas mutationes, si malignus non sit. 2. aphorismorum. 13. ergo ubi nulla est optima mutatio, sed omnes ad peius necessario erit malignus, ut ipse ait.

Præterea, in constitutione illa anginosa in 6. epid. morbus erat magnus ex sua natura, & ratione partis, & nihilominus non dicitur à Galeno pestilens, usque; cepit plures interficere, & non cedere remedijs, ergo quia morbus, qui in principio fuit benignus, postea adiuncta malignitate reditus fuit malignus, & non quia erat ex sua natura, aut ratione partis magnus, quia anginae fuerunt, ut ipse Hippocrates, & Galenus docent, & omnes commentatores in presenti.

Præterea ulcera maligna cachoetes vocata à Græcis auctore Galeno. 4. metho. c. 5. *sunt, quæ omnibus rite, decenterque factis, tamen non sanantur*; ulcera apertissima in faucibus, in hoc morbo sunt huiuscemodi, ergo maligna; probatur minor, ulcera ista non solum non sanescunt, sed in gangrenam terminantur, ergo quia malignissima sunt.

Sed si respondeas ibi per malignitatem intelligere affluxum humorum acrium, cuius ratione fit ulcus virulentum, aut putridum.

Contra ipse Galenus. 1. de medicamentorum generibus. c. 18. docet ulcera, quæ ex humoribus acribus fiunt vocari dysipulotica, non vero maligna, at vero si simul cum acrimonia, & putredine humorum sit prava dispositio in parte contracta erit maligna, sed in ista nostra constitutione non solum est affluxus humorum acrium, sed maxima putredo, & corruptio in parte contracta, ut constat experientia, ergo ulcera maligna propter malignitatem, & non ex humorum tenuitate, & acrimonia.

Præterea ulcera gallica dependunt ex fluxione acri, ita ut corrodant non solum fauces, sed etiam ossa, & nihilominus non interficiunt, aut tardè; nostra tamen ulcera in tertio, quarto, aut ad septimum interficiunt, ergo aliquid amplius habent, & sunt carbunculosa, ut statim probabo, ergo à fortiori habebunt malignitatem.

Præterea ab omnibus hic morbus curatur alexipharmacis, ergo pestilens est; quod curetur alexipharmacis, vide Mercati verba, libro consiliorum. 23. §. *Hoc tamen unum habet perpetuum, quod semper alexipharmaca expostulet cunctis alijs praesidijs, & alimentis admixta*; &c. cui ego, & omnes assentiunt.

Si dicas, multi sine alexipharmacis curantur, nihil valet, quia est rectum ab errore, & non est immittendum, & similiter multi in peste sine curatione evadunt, quia naturæ forti nihil est contrarium; erit bona consequentia multi sunt liberati in peste sine curatione, ergo curatio non est efficienda; minime ergo similiter ratio tradita.

Præterea

Præterea, multi iam conualescentes à morbo, scilicet àb inflàmatione, & carbunculoſo vlcere repente intereunt cum maxima reſpirationis difficultate ex humore maligno deliteſcente in pulmone, ergo malignus eſt morbus.

Et non valet, ſi reſpòdeas id prouenire ex amputatione collumelæ, & aliarum partium guturis defectu præparationis aeris ex Gale. 11. de uſu partium. c. 10. quia multi ex his ſuffocatis non habent amputatam collumelam, & qui pereunt ex eius amputatione, eſt in tēpore frigidiffimo, & frigida regione, & in lógo tēpore, vt ex Gale. contextu conſtat, & eſt experientia confirmatum in gallicatis, qui ſine collumela, & omnib⁹ partibus vſq; ad oſſa abciſis multo tēpore durāt: anginoſi verò fere omnes pereūt repēte, & cū ſumma inflàmatione in pulmonibus, vt ex maxima difficultate reſpirationis, qua ſuffocantur, aparet, ergo ex humore deliteſcente maligno, quē omnes debemus neceſſario conſiteri ex dictis ſymptomatibus.

Et, vt colophonem inponamus huic puncto, Galenus 5. methodi. c. 12. facit mentionem conſtitutionis cuiuſdam, vt iſta, & vocatur ab eo peſtilens, in qua maligna vlcera inueniebantur in gutture, & plures peribant. Similiter Aræteus lib. 1. c. 9. eam peſtilentem nominat, & Aetius, & Mercatus, & multi alij imò omnes; ſi hoc ita eſt, optimum eſt id tanquam certum, & euidentem amplecti, cum ſit communis ſententia curantium, & ſcribentium circa hanc rem.

Ad ſecundum propoſitum accedendo, an ſcilicet conſtitutio iſta ſit ex vlceribus carbunculoſis, & non de genere aphtarum. Pri- *Quod conſtitutio hac ſit cum vlceribus carbunculoſis.*
mo ſuppono tanquam certum, quod quoties aliquid cauſat admiſtationem, non ſolum plebeis, & communiter practicantibus, ſed etiam doctiſſimis viris ſenibus, & valde in arte medica expertis, quod aliquid de nouo in ſe habet, ſed ſic eſt, quod iſta conſtitutio anginoſa maximam admirationem imponit omnibus medicis, in quacumquē regione accedit, ita vt de ſua eſſentia, & curatione ſit varietas, ergo aliquid de nouo in ſe continet, quia ſi aphtarum conſtitutio eſſet, lippis, & tonſoribus eſſet notiſſima, quia nemo eſt, qui de aphtis mentionem non efficiat, vt videre eſt apud Galenum. 6. de compoſitione medicamentorum ſecundum locos. c. de aphtis, & apud Hypocratem 2. de morbis, & 3. aphoriſmorum. 24. & apud Auicē. ſen. 6. 3. c. 23. & Celſum lib. 2. c. 1. Aetium tetrablibi 2. ſermone. 4. c. 39. Paulum lib. 1. c. 10. & ab omnibus neotericis ſit de aphtis caput proprium. Et eſt morbus qui fere ſemper inuenitur in pueris lactantibus, vt Galenus docet 6. ſecundum locos citato. quia ex lactis acrimonia. & putredine cauſatur, aut in æſtate ex deſluxionibus calidis ex tempore æſtiui cauſatis, vt Hypocrates

docet. 4. de ratione victus. 29. & sic de aphtis facile est plurimas adimplere paginas solummodo referendo, quæ ab auctoribus citatis de illis proponuntur.

Secundo aduertendum est, quod licet verum sit, quod fere omnia vlcera accidentia in faucibus ab auctoribus sub nomine aphtarum comprehendantur tamen aphtæ propriè, *solum sunt vlcera superficiei oris cum ignea caliditate*, vt Galenus docet 6. secundum locos. 4. & licet ex his aliæ sint benignæ, aliæ vero malignæ, solû differût penes magis, & minus, & conueniût in hoc, quod est esse vscus superficialis, quod est aphtarû essetia, vt ex diffinitione Gale. proposita, & ab omnibus auctorib⁹ supra citatis (ne iterû eos repetâ) proponitur.

Tertio aduertendum est, quod licet communiter angina dicatur omne id, quod causat compressionem in gutture, & impedit de glutio nē, & respirationem, siue sit humor, siue vertebra, &c, nihilominus constitutuendum est anginæ propriæ dictæ *essentiam consistere in inflammatione faucium*, vt docet Galeus 4. de causis pulsuum. 20. & 4. acutorum. 20. & 3. prognosticorum. 16. & 4. aphorismorum. 34. siue hæc inflammatio fiat à sanguine solo, siue ab alijs humoribus cum sanguine, dummodo causet inflammationem dolorosam, & difficultet de glutionem, & respirationem. Quæ omnia sunt signa consequetia necessario partium guturis inflammationem.

Quarto aduertendû est, quod vt iâ dixi Hispano sermone in iudicio super hanc rē factio in hac constitutione multæ anginæ inueniuntur, & multæ aphtæ, sed hæc omnia suis signis cognoscuntur, vt ibi dixi, & iterum modo repetam cum probabo signa morbi suffocantis, & admirantis omnibus non esse ista.

Et probo in primis, quod morbo⁹ iste nō sit angina propriè dicta; *Angina est inflammatio guturis cū difficultate respirationis, & deglutionis sine vlcere*, ex Gale. citato, sed in isto morbo non est inflamatio sola, sed semper vlcus, vt constat experientia, ergo nō est angina propriè dicta, maior est Galeni loco citato. Minor probatur in hoc morbo semper inuenitur vlcus cutrosum, vt infra probabo, sed anginæ essentia posita est in tumore, ergo non est angina iste morbus.

Præterea curatio variatur secundû speciem, & essentiam morbi, curatio huius morbi est diuersa à curatione angine, ergo nō est angina probatur minor angina propriè dicta curatur in principio cū gargarismis reperiuis postea cū resoluentib⁹ si tendit ad resolutionem, aut suppurantibus si suppuratur, vt est communis sententia, sed sic est quod omnia suppurantia in hoc morbo sunt fugienda, quia maiorem corruptionem causant, vt est experientia compertum, ergo diuersa est curatio, & per consequens species morbi diuersa.

Præterea angina non est morbus contagiosus ex sua natura morbus

4

bus iste est cōtagiosus ex sua natura, ergo non est angina, quod angina non sint contagiosa ab omnibus est decantatum, quod verò iste morbus sit contagiosus est experientia confirmatum, ergo morbus diuersus ab angina.

Secundo probō, quod non sit aphta. Aphta ex Galen. vt supra dixi, est *vlcus superficiei oris*, sed vlcera ista non sunt superficiei oris, nisi valde profunda, & crustosa, ergo non sunt aphtæ, quod sint valde profunda, & crustosa experientia constat, siquidem corroduunt carnem omnem guturis, ergo non pertinent ad aphtas.

Præterea ad aphtas non sequitur necessario febris, nec tumor inflammatorius in principio, nisi tractu tēporis, quia prius præsupponitur vlcus, sed sic est, quod in hoc morbo in eodem instanti est inflammatio vlcus, & febris, & reliqua symptomata infra tradenda, vt experientia ab omnibus est confirmatum, ergo non est aphta.

Præterea aphta est morb⁹ molestus, sed securus, quia facile curatur, & si tendit ad peius est paulatim, vt ab omnibus est receptū, & nullus auctor de eis proponit, quod sit læthalis morb⁹, & acutus, sed iste morb⁹ est acutissim⁹, & lætalissim⁹, ergo valde distat ab aphtis.

Supposito quod morbus iste non sit angina propriè dicta, vt probaui, quia nō est inflāmatio sola, nec aphta, quia non est vlcus superficiei oris, restat probare quid sit, & quæ accidentia ei consequantur.

Morbus iste, vt iam dixi, anginosus est tumor carbunculosus, aut vlcus carbunculosum, aut crustosum, quæ omnia eadem sunt, vt cōstat ex Galen. 14. method. c. 10. qui carbunculum vocat inflāmationem, & similiter in eodem capite eum vlcus vocat, & 5. de medicamentorum compositione secundum genera. c. 15. Paulus, & Aetius in proprijs capitibus, & Ambrosius Pareus, doctissimusq; Falopius, dum ait; *Antras, seu carbunculus erit tumor calidissimus, & feruens cum aliqua crustra, quia vlcus est.*

Hæc propositā diffinitionē huic morbo proponit doctissimus, & nostræ Hispaniæ honor Ludou. Mercat. 1. suorū consiliorū libro cōsilio 23. *siquidem* (loquitur de cōstitutione ista anginosa) *in anginosis & lætalibus faucium vlcibus, & guturis tumoribus carbunculosis, & vlcerosis, quam quidem vulgo medicorum Hispano sermone vocat (Garrotillo).*

Sed vt melius nostram diffinitionem probemus, & intentum tria in præsentī breuiter sunt enodanda. Primò, quid carbunculus sit, differentiæ, & signa ipsius. Secundò, an in guture accidere possit, & an aliqui auctores de eo in tali parte fecerunt mentionem. Tertiò, & vltimo, & præcipuum ad nostrum intentum, an in nostra cōstitutione signa correspondeant eo, ita vt denominetur carbunculus.

• Quod Antras à Græcis, à barbaris Altoin, & à Latinis carbunculus dicitur; *Quid est nihil aliud est quam inflammatio cum vlcere crustoso, carbunculus.*

Et maximo dolore, aut prurritu, vt Galenus docet 14. method. c. 10. & 6. aphorism. 45. & 2. ad Glauconem. c. 1. & multis alijs in locis, vnde constat carbunculum morbum compositum esse ex omnibus morborum generibus, siquidem pertinet ad compositionem, quia inflammatio est cum tumore, & ad in temperiē siquidem est in temperies calida, & ad solutionem continui, quia vlcus est.

Varia de carbunculo sunt differentiæ legitimo, vel iligitimo exquisito, vel expnrio, quod idem est, sed meo iudicio præstantissime diuiditur à Ludouico Mercato cap. de febre pestilente, dum asserit carbunculum esse triplicem. *adustum, æstiomensum, & pestilentem ex varietate humorum, à quibus generantur.* Adustus generatur ex sanguine aut bile adusta, & iste est legitimus, & propriè carbunculus exquisitus. A Estiomensum ex sanguine commisto cum reliquis humoribus cum adustione, sed non tanta pro varietate humorum nihilominus tamen sufficiens ad crustam efficiendam, quia quid essentiale carbunculo est. Tertia vero species pestilens dictus carbunculus nihil addit super allatos præter pestilentem qualitatem eis additam, cuius ratione symptomata sunt sæuiora, licet quicumq; carbunculus sit ex sua natura morbus malignus, & perniciosus.

Symptomata consequentia hunc morbum, sunt primò calor, & prurritus in parte docente Hypocrate 2. Epidemiæ, in principio, dum ait. *§. Dum intro carbunculi concipiebant, in calecebant, & prurritum concipiebant, &c.* Secundo pustulam debet habere, aut crustam docente Galeno. 14. metho. c. 10. per hæc verba. *§. Pustula quadam, qua rupta vlcus cum crusta gignitur, vel multi exiles, vt mly semina quibus ruptis similiter vlcus, &c.* Tertio est dolor intolerabilis, ex Actio lib. 14. c. 58. *§. Dolores insuper accidunt longe maiores, quam pro paruitatis ratione, &c.* Quarto colores naturales permutantur ex Galeno lib. de differentijs symptomatum. c. 5. *§. In carbunculo colores naturales mutantur.* Quinto febris intensa, anxietudines, vomitiones virides, & nonnunquam somnus accidunt, ex Celso, lib. 1. cap. 28. *§. Somnus vrget nonnunquam horror, aut febris sine sudore, aut vtrūque, &c.* Quæ omnia quanto sæuiora, tanto maligniorem carbunculū ostendunt, si his addas locum affectum, cuius ratione magnificatur periculum, docēte Auice. fen. 5. 4. tractat. 1. c. 17.

An carbunculus accidere possit in faucibus ratione, & auctoritatis probatur.

Huius vltimi prognostici ratione vertitur in dubium, possitne accidere carbunculus in faucibus, & an aliqui auctores de eo in tali parte fecerunt mentionem.

Et probatur primo, quod possit in faucibustumor carbunculosus generari, nullum est impedimētum ad hoc vt generetur, ergo potest dari. Probatur antecedens non est impedimentum ex parte humoris,

moris, quia humor feruidus adustus, & crassius, qualis solet esse generativus talis tumoris potest ad illas partes affluere. Pars tamē ex sua natura est facile receptibilis illius, quia est laxa, in qua nō est impedimentum ad transitum humoris crassi, veluti pleura, & partes densæ solent efficere, ergo possibile est talis carbunculi generatio.

Secūdo probatur, quod generetur carcinoma in faucibus concedit Hypocrates. 7. Epidemia textu. 99. Sed sic est, quod cancrus, & carbūculus solum differunt penes magis, aut minus adusta materia, ergo secundum Hypocratem carbunculus in faucibus generari potest. Quod solum in hoc differant, probat Galenus lib. de atrabile. c. 4. per hæc verba. §. *Qua autem sua crassitudine percutis densitatem traduci non possunt, sed intus coercentur, si calida sunt carbonēs; sin minus talia cancrus prodigunt, &c.* ergo carbunculus in faucibus generari potest.

Præterea, & sit secundum huius dubij, scilicet auctores qui de tali carbunculo in faucibus fecerunt mentionem, Celsus. lib. 5. c. 28. cuius verba placet in præsentī adducere, quia veluti descriptio morbi præsentis suffocantis est. §. *Ab ijs, quæ extrinsecus incidunt, ad ea est veniendum, quæ interius corrupta aliqua corporis parte nascuntur, ex cuius non alia carbunculo peius, eius hæc nota sunt, rubor est, superq̃, eum non nimis pustula eminent maximè nigra interdum sublibida, aut palida in his sanies esse videtur, infra color niger est. Ipsum corpus aridum, & durius, quam naturaliter oportet. Circa quem quasi crusta est, eaque inflammatione cingitur, nequē in eo loco leuari cutis potest, sed inferiori carni quasi affixa est, somnus urget, nonnumquam horror, aut febris oritur, aut utrumquē. Idquē vitium subter actis quasi quibusdam radicibus serpit, interdum celerius, interdum tardius, supra quoquē procedens inalbescit, dein lividum fit, circumquē exigua pustula oriuntur. Et si circa stomachum, faucesve incidit subito spiritum sæpe elidit, &c.* Ecce quomodo Celsus proponit morbum, causas, signa, & prognostica, siquidem ait si in faucibus, aut stomacho hoc est ingula sit sæpe interficere cum velocitate, ut efficit noster anginosus morbus.

Id similiter videtur insinuare Areteus libro 1. c. 9. dum hæc verba proponit. §. *Affectus ille schara est* (agit de morbo anginoso) atquē ita Græcè vocatur, Latine crusta. Crustam vero circumveniunt rubor excellens inflammatio, & venarum dolor quemadmodum in carbunculo, &c. Sed sic est, quod omnia signia ab eo proposita sunt carbunculi, ergo carbunculus est.

Id similiter videtur insinuare Aetius tetrabli. 2. sermone. 4. c. 46. dum nomen tituli proponit, de crustosis, pestilentibusquē consiliarum ulceribus. Sed sic est, quod vlcus malignum, & crustosum nihil aliud potest esse præter carbunculosum, ut ex Celso, Galeno, & reliquis supra citatis constat, ergo carbunculum eum nominat.

Cuius ratione tempus erit, accedamus ad probandum tertium, & ultimum propositum, scilicet quod omnia dicta de carbunculo conueniant nostro morbo anginoso (vulgo garrotillo.)

Probatur primo, carbunculus nihil aliud est quam inflammatio cum vlcere crustoso, vt probauit supra ex Galen. 14. methodi. c. 10. & ab omnibus cõmuniter recipitur, sed iste noster anginosus morbus est huiusmodi, ergo est carbunculofus, maior est certa, & ab omnib⁹ recipitur, minorem probō in hoc nostro anginoso morbo est difficultas deglutiendi, & respirandi, & febris simul, ergo necessario inflammatio guturis. Et statim videtur similiter vlcus, aut schara, ergo inflammatio cum crusta, & per consequens carbunculus, siquidem nihil amplius habet, vt est experientia compertum, & expressat Galenus. 2. ad Glauconem. 1. dum ait; *Cum humor comburendo facit vlcus cū crusta, & circumfacientia inflammat, est carbo huiusmodi passio.*

Et confirmatur flogosis, aut vlcus in faucibus non potest efficere febrem, nec impedimentum ad respirationem, & deglutionem, sed hæc omnia inueniuntur in nostro morbo, vt experientia constat, ergo inflammatio tumorosa inuenitur, & non solum vlcus, & flogosis. Probatur maior, febris, nisi sit ex apparatus morbofo venarum, debet dependere ab aliqua inflammatione in hoc morbo, sed flogosis non est sufficiens ad efficiendam febrem, ergo est tumor inflammatorius. Probatur minor febris causatur ex vaporibus missis ad cor ex inflammatione, ergo pars quæ mittit vapores ad cor necessario habet inflammationem. Et per consequens difficultas deglutiendi, & respirandi prouenit ex impedimento in vijs respirationis, & deglutionis, sed hoc impedimentum fit coarctatis vijs ex desiccatione, aut trepletione, non ex desiccatione, quia repente accidit, ergo ex repletione ex affluxu humorū, ergo ex inflammatione, & cū vlcere crustoso, vt oculis videtur, ergo necessario ex carbunculo ibi genito.

Et amplius id probō numerando omnia signa huius morbi, morbus iste habet in principio febrē, inflammationem, & crustā in gutture cū difficultate respirationis, & deglutionis, nonnunquā horrorem, vomitum eruginosum, somnum, anxietudines, extremorū frigiditatem, maximas, & repentinās suffocationes mortales, quæ omnia affert Celsus lib. 5. c. 28. de carbunculo in faucibus, vt supra proposui, ergo est carbunculus. Quod verò omnia illa signa habeat experientia constat, & docet Ludou. Merca. præstantissimus, & expertissim⁹ vir, cui veluti Gale. & Hypoc. in praxi est danda fides, lib. 1. suorum consiliorū, consil. 23. supra citato, ergo iste anginosus carbunculus est.

Sed obijces in carbunculo, ex Galeno, Celso, & reliquis citatis ponitur pro signo, quod pustula sit nigra cineritia, aut viridis, sed in hoc morbo præter hos colores maiori ex parte est alba, ergo nō est car-

carbunculus. Respondeas facile, quod in exquisito carbūculo adustiuo est pustula nigra, aut cineritia, at verò in expurio extionemotio dicto, ad quē noster morbus reducitur non est necessariū, quod talem habeat colorem, quia variatur pro varietate humorū, & quia aliqua salcapituita adiūgitur, sit pustula alba. Et vbicumq; fuerit inflāmatio cum pustula est carbunculosa, vt docet Falop. in proprio capite ex Auice. & sic ignis, pruna, & carbunculus sunt idē morbus, solū ex varietate humorū facta differentia munerica non verò specifica, quia omnes cōueniunt in eo quod est cōburere, & adurere carnē, & nō tēdere ad suppurationē. Solū differunt ex eo quod est magis profundare, aut minus in carne pro crassitudine maiori, aut minori humorū, & sic exquisit⁹, quia ex crassiori humore cōstat magis profundatur, & niger est, & omnia signa habet legitima, reliqua verò nō ita.

His præsuppositis ad tertiū in principio promissū, an scilicet expurgatio fieri debeat in principio in hoc morbo factis sufficienter evacuationib⁹ per sanguinismissionē, tēpus est vt accedam⁹, si prius aduertam⁹ in præsenti nō agerē de purgatione lenitiua, quia in hoc morbo nō habet locū, hęc enim humoribus in prima regione existētibus debetur. Humores tamen hunc causantes morbū non sunt in prima regione, & sic nō est ex vsu. Similiter nō est disputatio de purgatione minoratiua ad diminuendā causam, vt postea natura supra residuū sit fortior, de quo aliās est longa inter auctores disputatio. Nec similiter si prius exerceatur purgatio, quam sanguinismissio si equalis sit necessitas, solum in præsenti probo ex Gale. doctrina, & Hypocrat. quod factis flebotomijs pro plenitudinis ratione debeat exerceri similiter ad reuelendū purgatio in principio, quia in principio exercetur.

Et sit ad probandum intētum prima auctoritas Hipocratis in lib. de locis in homine post medium, cum ait; *sic affectis* (loquitur de angina) *à venis quæ in brachijs sunt sanguinem detrahes, & simul medicamento assumpto ab vno in ferne subduces, quo id quod morbum facit detrahatur.* &c. Sed detrahere est reuelere, ergo reuolutionis causa purgat Hipocrates, id similiter docet 4. de ratione victus. 64. cum ait; *Hoc si ab initio purgare conueit, id ante diē quartum facito;* &c. Vbi in principio fluxionis pro reuolutione purgat, id similiter docet Galenus fidelissimus Hipocratis interpres. 4. de ratione victus tex. 20. super illa verba; *Porro si angina fuerit, & si aliud quidpiam ex pleuriticis malum ecligmate repurgato;* &c. In cōmentario sic Pergamenus ait; *Nēpe corpus impurum, excrementosumq; quod vacuatur, iure optimo expurgati quispiam pronuntiauit;* &c. Idē docet ipse Galeus in cōmentario 30. sequenti, dum ait; *Corpus autem totum vacare excrementis oportet, & non pleroricum esse geminam ob causam nempe, tū ob eam, quæ à vacuatione est reuol-*

*Quod detur
expurgatio
revulsoria,
& fieri de-
beat in hoc
morbo ex do-
ctrina Gale-
ni.*

re vultionem, tum quod vacuato corpore à parte affecta, quod influir expelli-
mus, id facilius suscipiet, nilq; si calido aliquo euaporare volueris à corpore ip-
so parti calfacta mittetur, corpus igitur totū vena secta vacuare oportet, &
purgatione, & clisteribus. Hoc idem euidenter docet Asiaticus præstā-
tissimus. 13. methodi. c. 5. per hæc verba; §. Has namq; euacuationes in-
dicat ipsa copia (agitur de glandularum inflammationibus) sicut etiam suc-
corum vitium redundantis succi purgationem, ac plerumq; post hæc præ-
sidia glandularum inflammationem desinit: sape tamē, vel ipsum, qui curat
ad corporis totius vacuationem segniori, vel ipso, qui laborat præmolitie non
admittente earum phlegmonem maior efficitur ita, vt ad suppurationem
veniat; &c. Vbi Galenus expresse docet, facta purgatione in prin-
cipio impediri phlegmonis augmentum, ergo in principio re-
uelendum est purgatione. Hoc idem docet idem Galenus, & ex-
præstat in quibus inflammationibus conueniat in principio purga-
tio, & in quibus non conuenit. 13. methodi. c. 11. §. siquidem ex ijs, qui-
bus oculi tētari phlegmone ceperant, nonnullos sola purgatione per aluum
vna die sanatos vidisti: quam rem: si quis faceret in iecinore cum phlegmo-
ne laborare incipit maximam exitauit phlegmonem. Et statim ait; siqui-
dem quam longissimē à parte tentata fluxione est reuelendum; Ecce quo
modo Galenus aduertit, quod quoties humor purgatione separa-
tur à parte laborante, vti debem⁹ purgatione revulsoria, vt in nos-
tro casu, contrarium vero efficere debemus quando humor moue-
tur ad partem, vt si sit in iecinore ventriculo in testinis; &c. Hanc
eādem sententiam ne fote tēpus in tradēdis auctoritatibus cōsum-
mamus suscipit Valles. 7. cōtrouerf. 13. idem docet Ludou. Mercat.
c. de angina Eustachius Rud⁹, Trincabel. proprijs capitibus Ora-
tius Augen. 1. epistolar. 2. & vt colophonem imponamus huic puncto,
eādem defendit opinionem noster Gale. Hispalensis maximusq;
opugnator minoratiuæ doctor Iuanes Luna Vega in exercitatione
quadam facta de hac re.

Et probatur ratione duo magna remedia habet ars medica ad
impediendas fluxiones, & humores euacuandos sanguinis mis-
sionem scilicet, & purgationem, sed vnusquisq; horum suas habet indi-
cationes plenitudo per se, aut cum vitio humorum expostulat
sanguinis missionem iam euacuatoriam, iam revulsoriam secundū
naturam causæ, quæ est indicatiua talis euacuationis. Cachochimia
autem eodem modo secundum naturam causæ si disposita sit, & cō-
cocta materia euacuationē, aut separati humores, sin vero moti re-
vulsionem. Doctrina est Galen. 4. method. 6. §. Quare nunc quoque si
etiam nunc fluxio valenter irruat, reuelere ad contraria studebimus, vti quæ
si in superioribus vltius consistat per inferna purgantes, &c. Et libro de san-
guinis missione. c. 8. §. Eadem ratione in ijs, quibus pars quæpiam gra-
uiter

uiter ista est, aut vt cumquē aliter incipientem habet phlegmonem eam, si magnam fore suspicamur, curationem ab inanitione auspicamur, aut purgatorio medicamento exhibito, aut venas cissa, prout nimirum alterum altero magis conuenire iudicamus; &c. Et sic ad istam euacuationem potest reduci euacuatio humorum turgentium, quos ad intestina moueri debemus, ne forte impetum faciant in partem principem exhibitio medicamento purganti, & multo melius si pars, quę fluxione est tentata, sit in partibus superioribus, quia humores deorsum euulsi satis expelluntur, quod expresse docet Galenus 13. method. c. 11. §. Eadem ratione in omnibus, quę circa caput accidunt medicamentum purgatorium deorsum reuulsorium auxilium; &c.

Et confirmatur id, ideo recusamus minoratiuam, & iuxta rationem, quia humore non existente separato, & cum sit quietus, nullo modo est mouendus, nisi ad miniculante natura, ne forte fiat maxima alteratio, & incommoda tradita ab Hipocrate. 4. de ratione victus, tex. 44. sed in nostro casu humores sunt moti ad partem inflātam, & sunt humores tenues, & adusti, quibus debetur talis purgatio, nā humores in inflāmate contenti non euacuantur, nisi loca libus per ipsam partem, ergo in nostro casu purgatio reuulsoria est necessaria, & exercenda in principio.

Et non contrariatur huic doctrinę Galenus, quando 4. de ratione victus. 22. interdicat purgationem in principio inflammationis, quia intelligitur de principio inflammationis in ordine ad cōtentionem, quod nos concedimus, quia est finis fluxionis, vt ex Galeno constat libro de tumoribus præter naturam, nostra tamen purgatio est in principio fluxionis, & in hoc sensu intelligatur Galenus in locis pro nobis adductis.

Ad vltimum, quod mihi interst cōfirmare accedendo, scilicet in vlceribus crustosis, aut carbunculosis, aut in carbunculo, quod idē beamus in est, vti debere à principio caustico medicamento, cum maxima præ vlceribus meditatione secundum naturam, & ætatem, & hoc ratione vrgentissimā, quia si protinus non vrantur, & impediatur putredo, postea in principio curabilia reduntur, vt experientia constat, & id rationibus, & vti causticis auctoritatibus comprobabo: sed prius aduerto, quod hoc non in cis medicamentis omnibus vlceribus, & inflātionibus intelligitur, sed solum in crustosis supra alegatis, vt à me proditum fuit in iudicio circa hanc rem sermone Hispano facto.

Et probatur ratione primo, Ad id quod magis vrget intentio curantis dirigi debet ex Galeno, sed in his vlceribus, quod magis vrget, est corruptio, & putredo, quę causatur in partibus guturis, ergo illi prius est succurrendum. Maior est certa minorem probo, siquidem experientia constat fere omnes potius perire in hoc morbo ex putredine

tre dine vlceris, quam suffocari ex inflammatione, & ablata inflā-
tione ex solo vlcere parte extiomenata ad obitum tendere; ergo il-
li prius scilicet corruptioni vlceris est succurrendum, sed impedi-
mentum corruptionis fit causticis medicamentis, vt receptum est
ab omnibus, ergo eis vti debemus in principio.

Et confirmatur maius periculum est sanguinem mittere ex ve-
nis leonicis in principio fluxionis, & corpore pletorico existente,
quam leuiter adurere partem vlceratam, primum fit vrgente neces-
sitate ex multorum sententia, ergo & secundum fieri oportet. Et
quod sit periculosior probatur, euacuatio à parte corpore pletori-
co existente, & in principio fluxionis potest repete suffocare attrac-
to maximo impetu humore, sed causticum adhibere, leuiter solum
aliquid inflāmare, ergo min^o incōmodum affert, sed primū cum ma-
iori incōmmodo ex aliquorum sententia exercetur, & debet exer-
ceri secundū rationem, ergo à fortiori secundum videlicet, quod
caustica administrentur in his vlcerib^{us} carbunculosis in principio.

Tertio probatur quanto pars magis exposita est putredini, tanto
fortioribus medicamentis vti debemus ad illam impediendam, sed
fauces sunt partes magis expositae putredini; ergo fortioribus vti
debemus. Maior est certa, minorem probat Galen. 6. secundum lo-
cos. c. 2. tam ex temperamento calido, & humido putredini propor-
tionate, quam ex affluxu ex crementorum à capite, & toto; ergo for-
tioribus vti debemus medicamentis, sed hæc sunt caustica, ergo
illis vti debemus.

Quarto probatur ad extremos morbos externa remedia sunt ne-
cessaria, ex Hypocrate. i. aphorismorum. 6. morbus iste est extre-
mus, quia per acutus est; ergo illi conuenit extremum remedium,
quod sit per acutus, experientia constat siquidem ad tertium, & quar-
tum interficit, & antea, & quod morbus peracutus sit extremus do-
cet Galen. in commet. aphorisc. citati; ergo illi conuenit extremum
remedium, sed extremum remedium est causticum, ex Hypocrate;
ergo huic morbo conuenit causticum medicamentum, & ab eo est
incipiendum, non vorò à leuioribus, vt Galen. docet. 5. method. c. 1.
vbi vrgentia ratione à narcoticis incipit curationem, reprobatq; à
leuioribus in periculosis morbis incipere per hæc verba; *Minime igi-
tur. (sicuti medicarum nonnulli sentent)* à paruis incipiendum auxilijs est.
*Nec sicut illi dicunt, sentiendum est, ista scilicet prius esse tentanda. Max si
nihil profecerint aggredienda maiora; nam in morbis, in quibus periculum non
impendat. Vera ea opinio est. At vbi moriendum ergo prorsus est, si phlegmō
semel exceptus sit, alienissimum à ratione est à minoribus inchoasse, &c. Sed
sic est, quod si semel putredo serpit in hoc morbo, redditur incur-
abilis, ergo à fortiorib^{us} est incipiendū causticis scilicet medicamētis.*

Sed

8

Sed relictis alijs auctoritatib⁹, & rationib⁹, quarū magnā seriē possem afferre, solū duabus contētus ero Celsi, & Galeni, ubi ij præstantissimi auctores horum vlcerum curationē instituūt.

Prima auctoritas est Cornelij Celsi lib. 5. c. 28. §. *Et si circa stho macum, fauces ve incidit, subito spiritum sape eledit (loquitur de vlcere carbunculofo in faucibus) nihil melius est quā protinus adurere, nec id graue est, nā non sentit, quia ea caro, seu crusta mortua est, finisq³ adu rendi est, dum ex omni parte sensus doloris est, tunc deinde vuln⁹ sicut reliqua adusta curandum est, sequitur enim sub medicamentis eroden tibus vndiq³ à viua carne deducta, qua trahit secum quidquid corrup tum, purusq³ iam sinus curari potest implentibus, &c.*

Secunda auctoritas est Gale. 6. localium. c. 2. de crustis in ore, cuius ipsissima verba afferā, & nihil aliud in hac curatio ne desiderandum. §. *In calidis & humidis corporis locis, quale est os, citō putredo accidit, ex quacumq³ tandem causa fuerit exulceratum, cō fert ad hanc rem etiam id, quod nihil penitus in ipso ex pharmacis in cumbere quæat, velut in alijs vlceribus potest. Eluuntur enim omnia à salina, quapropter etiam fortissimis pharmacis sape ad ea vti cogimur. Fortissima autem sunt, qua crustam scharam Græcis dictam efficiunt ad modum cauteriorum, in externis igitur vlceribus vti parti curandæ crusta fuerit inducta à fortibus pharmacis desistimus ad ea, qua crustas tollūt transgredientes, qua manifestum est ex tersoria qualitatē, ac facultatis esse. In his vero qua in ore sunt propter loci naturam tutius mihi esse videtur admiscere ad des tersoria pharmaca quædam for tia, qua singulatim admota crustas infingunt. Ob hanc igitur causam meli vehementissima extergendi vi prædito pharmaca admissemus ip sus crustas efficientia, quemadmodū sane in sordidis vlceribus in cuticula obortis diximus admiscere oportere meli, qua parum extergent ius, eruium, iridem, aristoloquiā, & quacumq³ alia huiusmodi eadē ratiocinatione contraria apponētes, velut Hypocrates dixit. Vna enim, eademq³ ratiocinatio in vtriusq³ est, vt videlicet extersorium pharma cum moderate habens ad affectionem adhibeatur. Habebis autem com moderatum pharmacū ipsum mel in vlcerum quidem sorde debilibus extersoris permixtum, in quibus autem oblocinatarum putredinis ac cessionem formidamus ex fortioribus quipiam ad ipsum mel admisce mus, rationabiliter igitur ad oris vlcera arida medicamenta cū mele commiserunt, per qua crustas inducimus. &c.* Hæc Galeni verba, quæ in totum difficultatem dissolvunt, vt nihil amplius dicere sit necessarium, quam Galenū intelligere, & sic de hac diffi cultate, & de tota tractatione sit finis.

